

登封縣志卷八

太常寺博士洪亮吉

同纂

登封縣知縣陸繼寧

大事記

倉帝都於陽城

禪通紀倉帝史皇氏姓侯岡名頡治百有十載都於陽城

說嵩古傳黃帝史臣倉頡始制文字未有倉帝史皇之說及考輿地志虞城有倉帝墓而趙明誠金石錄載熹平六年碑曰天生德於大聖四目靈光爲百王作憲等語則與禪通所紀無異陽城號於上古作都

之說或有自助與

黃帝遊於太室

史記封禪書曰天下名山八而五在中國華山首山
太室泰山東萊此五山黃帝之所嘗遊

帝堯遊於陽城

楊雄河東賦曰轍帝堯之嵩高山顏師古注曰堯曾
遊於陽城故於嵩高山轍其遺蹟也

帝舜遷於負黍

世說舜遷於負黍

河圖水經注云舜以女嬃為妻居負黍山一曰東巡幸

負黍山三公傳云舜居負黍山

十
名貢兩伯之樂焉元祀岱泰山中祀大交霍山秋祀
柳穀華山冬祀幽都宏山中祀夏伯之舞意當日統
南祀於中土而中巡以受夏伯之貢詩爲采南國風
謠與

帝舜十五年有事於太室

竹書紀年曰帝舜十五年帝命夔后有事於太室

夏禹都陽城

韋昭史記注夏都陽城晁氏以爲夏后初都陽城百
里而遠也

帝王世紀禹受封爲夏伯在豫州方外之南

吳越春秋載禹讓商均退處陽曲之南陰阿之北萬民追就禹之所狀若驚鳥揚天駭魚入淵晝歌夜吟登高號呼曰禹棄我如何所戴劉熙注曰今潁川陽城是

夏孔甲畋於箕山

漢劉勰新論勰之言曰夏孔甲畋箕山大風晦冥入於人家

淵穆王遊於黃室之邱

穆天子傳王遊於黃室之邱以觀夏后啟之所居乃入於啟室

秦祠官奉祭太室

史記秦之初令祠官所嘗奉嶠以東名山五。一曰太室太室嵩高也。

漢武帝幸中嶽增太室祠

漢書武帝紀元封元年正月行幸緱氏詔曰朕用事華山至於中嶽獲駿廐見夏后啟母石翌日親登嵩高御史乘屬在廟旁吏卒咸聞呼萬歲者三登禮罔不荅其令祠官加增太室祠禁無伐其草木呂山下戶三百爲之奉邑名曰崇高獨給祠復無所與

漢宣帝祀密高

漢書宣帝紀神爵元年特詔太常制五嶽常祀禮祀中嶽太室於嵩高遣使者持節侍祠一禱而三祀

東漢光武登轘轅

後漢書光武帝紀建武九年夏六月丙戌帝幸緱氏
登轘轅

東漢章帝幸潁陽

後漢書章帝紀建初八年十二月甲午東巡狩幸潁
陽戊申車駕還宮

東漢順帝遣詣嵩高請雨

漢書順帝紀陽嘉元年京師旱勅郡國各禱名山嶽
瀆遣大夫謁者詣嵩高請雨

東漢靈帝復崇高爲嵩高

後漢書靈帝紀熹平五年復崇高山名爲嵩高山大

纂

東觀漢紀使中郎將堂谿典請雨因上言改山名爲嵩高山

東漢獻帝入轅轅

後漢書車駕入轅轅楊遵郭奉追之

晉咸寧五年麒麟見陽城

晉書武帝紀咸寧五年九月甲午麒麟見河南陽城
後魏孝明帝作閒居院

魏書孝明帝永平二年作閒居院於嵩山

後魏靈太后幸嵩山

魏書熙平二年九月靈太后幸嵩山九嬪公主以下

從者數百人昇於頂中侍中崔光表諫

後魏出帝幸嵩山復狩於嵩陽

魏書永熙二年車駕幸嵩高石窟靈巖寺

北齊孝武帝狩中山

北齊書孝武帝大發士卒狩嵩山之南十有六日中書侍郎魏收上南狩賦諷焉

唐高宗如嵩陽少室及幸奉天宮

新唐書高宗紀調露元年十月帝如嵩陽觀永隆元年帝如少室山永淳元年帝旣封泰山欲徧封五嶽作奉天宮於嵩山之南時御史李善感章諫不納次年正月駕幸奉天宮宏道元年正月復幸奉天宮四

月還都十月復幸奉天宮十一月還都

唐武后作三陽宮興泰宮改嵩山爲神嶽及封禪諸儀
新唐書則天后紀長安元年作三陽宮於嵩南五
月后如三陽宮又作興泰宮於大石嶺垂拱四年改
嵩山爲神嶽封其神爲天中王配爲天靈妃萬歲通
天元年尊天中王爲神嶽天中黃帝天靈妃爲天中
黃后二年十一月封於神嶽改元曰萬歲登封遂禪
於少室山是日臘月甲申親行登封之禮禮畢大赦
改元越三日丁亥禪於少室又二月己丑御朝觀壇
朝羣臣咸如乾封之儀

新唐書禮儀志登封壇南有榑樹大赦曰於其杪置

金雞榜自製升中述志碑樹於壇南之丙地先是高
宗旣封泰山兩詔封嵩嶽以吐蕃突厥寇邊而止宏
道元年七月復詔來年有事於嵩山冬十一月帝疾
甚苦頭重不能祀復詔罷之時謠曰嵩山凡幾層不
畏登不得但畏不得登三度徵兵馬傍道打騰騰然
其儀禮器物畢具俱如乾封故事山上爲圓壇山南
四里如圓丘三壇壇上飾以青四方如其色號封祀
壇玉策三以玉爲簡長一尺二寸廣一寸二分厚三
分刻以金文玉匱一長一尺三寸以藏上帝之冊金
匱一以藏配帝之冊纏以金繩五周封以金泥玉匱
重方一寸二分文如受命璽石匱以方石再累方

凡厚二尺刻方其中以容玉置碱旁施檢刻深三寸三分濶一尺當繩刻深三分濶一寸五分石檢上以檢石碱皆長三尺濶一尺厚七分印齒二道皆深四寸當璽方五寸當繩濶一寸五分檢立於碱旁四方北方皆二東方西方皆一去碱隅皆一尺碱纒以金繩五周封以石泥距石十二分距碱隅皆再累皆濶二尺長一丈斜刻其首令與碱相應又爲壇於山上廣五丈高九尺四出陛一壇號登封壇玉檢玉牒石碱石距玉匱石檢皆如之爲降禪壇於小山上八隅一成八陛如方邱三壇上飾以黃四方如其色餘皆如登封易秸席古制昊天上帝褥以蒼地祇褥以

黃配褥皆以紫而尊爵俱更焉不用瓦匏天子祀昊天上帝於山下之封祀壇以高祖太宗配如圓丘之禮親封玉策置石礧獻五色土封之徑一丈二尺已事升山明日又付玉策於登封壇又明日祀皇地祇於降禪壇如方丘之禮以太穆皇后文德皇后配當高宗封泰山皇后武氏爲亞獻越國太妃燕氏爲終獻率六宮同登其帷席皆錦綉羣臣瞻望多竊笑之明日御朝觀壇以朝羣臣如元日之禮乃詔立登封降禪朝觀之碑名封禪壇曰舞鶴臺登封壇曰萬歲臺降禪壇曰景雲臺以紀瑞焉後將封嵩嶽儀物備具而中止者三武后嗣成登封之典故改嵩嶽曰

登封改陽城縣曰告成以登封嵩嶽之禮經營計數
年告成功也聖歷二年后不豫遣給事中間朝穩藏
少室山朝隱自爲犧牲沐浴伏俎上請代太后命次
后厚賞之

唐高宗時鳳皇集嵩山

嵩嶽志唐高宗登嵩時有鳳皇集其上

唐德宗幸奉天宮

新唐書顧少連傳德宗幸奉天宮少連徒步詣謁說
嵩按此則德宗亦幸嵩而本紀不載

宋太宗遣使詣嵩嶽禱雨

宋史太宗紀淳化六年遣使詣嵩嶽禱雨

宋仁宗遣詣嵩高請雨

宋史仁宗紀慶歷六年遣使詣嵩高請雨

宋建中靖國元年少林寺澁之十二莖

嵩嶽志少林芝名抱石黃小紫團勝金黃雙頭黃黑
團卵子黃鶯黃小雙紅僧笠紫鴨脚黃花葉紫大紫
團守臣圖本奏狀明年五月遣御藥閤守勲降御香
於達摩菴竣事詔見進諸御府令將紫團磨刻石碑
於寺壁

金宣宗置兵少室山

舊志今少室山尙有地名御石

仁宗遣使詣嵩高設醮

元史紀事本末卷之六

明嘉靖七年旱人相食

明嘉靖七年旱人相食

十七年蝗人相食

二十二年旱人相食

二十九年雹

四十四年穀熟返青

隆慶四年夏秋大水

萬歷八年旱

十一年雹

十四年旱穀豆全傷大饑人相食

二十二年旱

三十一年大水淹沒民田

三十二年四月雹二月殘毀樹葉剥盡大饑

崇正十一年丁丑三月庚子先師殿災延及戟門兩廡
十三年旱蝗人相食

崇正三年大旱蝗蝻爲災斗米價至二兩餓莩盈野父子
相食

十四年大饑人相食

崇正五年辛巳二月二十九日逆闖李自成陷城

五月二十九日汝州土職武晝夜襲城陷之殺戮最慘
五月獄廟火大殿兩廊峻極門俱燼

崇正九年癸未七月北賊李際遇叩請邦率衆攻城二十

晝夜未下八月初八日逆闖李自成陷城去李際遇賊
遂盤居城內士民星散李自成殺申靖邦於金店砦
國朝順治元年定鼎燕京李際遇授首滅其族

順治十六年嵩山西北山鳴

十七年嵩山東北崩

舊志是日晴霽嵩山青童峰迤西條有聲如雷衆咸
望之白氣亘天繞而東復直上良久乃散人登之見
山崩矣

康熙十八年夏旱秋淫雨數十日穀盡腐爛成灰

二十二年閏六月潁陽穀秀雙峽

二十九年正月風霾晝晦二十餘日乃止